

TEZAUUR LITURGIC
2 IUNIE

ACATISTUL
SF. CUVIOS
DODO
DE LA
GAREDJI
GEORGIEI



TBILISI, 2000



დაუჯდომელი საგალობელი ღირსისა მამისა ჩუენისა დოდო გარეჯელისა

კონდაკი 1

შესხმით გიგალობთ ბრწყინვალესა მნათობსა
ქართველთა ერისასა, დიდსა მოლუაწესა დოდოს,
რჩეულსა ღმრთისასა, და გევედრებით სასოებითა
ყოვლადძლიერისა მეოხებისა შენისაძთა: კნინი ესე
გალობად ჩუენი მიითუალე და შეგვაწყნარენ ღმერთსა
სახიერსა, რაძთა განდევნოს ჩუენგან ყოველი ბოროტი
და გზასა მას მცნებათა თვსთასა წარგვიმართოს
შემსხმელთა შენთა: გიხაროდენ, წმიდაო
ანგელოზთასწორო მამაო, ღირსო დოდო გარეჯელო!

იკოსი 1

ანგელოზად ქუეყანისად და კაცად ზეცისად გიციით
შენ, წმიდაო დოდო, და გევედრებით წადიერად: ნუ
განგვაშორებ ჩუენ სიწმიდისა შენისა ძალსა და
შეწევნასა, არამედ ვითარცა გაქუს კადნიერებად
დიდი, ევედრე ქრისტესა ღმერთსა ჩუენსა,
მოგუმადლოს ძლევად ურიცხუთა მტერთა ზედა და
კელმწიფებათა ბნელისათა, რაძთა ვპოოთ

განსუენებად და შუებად წარუვალი ქებით შემსჯმელთა
შენთა:

გიხაროდენ, სიყრმითგანვე სიწმიდითა აღზრდილო
და სულიერითა სიბრძნითა აღვსილო;

გიხაროდენ, მჭურვალითა ლოცვითა საღმრთოდ
შეჭურვილო;

გიხაროდენ, სულისა თვისისა ქრისტჳს
სამკვდრებელად განმკუთვნელო;

გიხაროდენ, მსგავსად იოვანე ნათლისმცემელისა
უდაბნოდასა შემყუარებელო;

გიხაროდენ, უბიწოდთა მღდელობითა ქრისტესა
შედგომილო;

გიხაროდენ, ჯუარისა მისისა ბეჭთა თვისთა ზედა
აღმღებელო;

გიხაროდენ, საღმრთოდასა მადლისა უხილავთა
სიღრმეთა განმცდელო;

გიხაროდენ, სწავლათა ზეცისათა უაღრეს
რიტორთადასა გამომთქუმელო;

გიხაროდენ, ფიცხელთა ღუაწლთა და განსაცდელთა
ახოვნად თავს-მღებელო;

გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 2

იყავ რად შობილი ღმრთისმოსავთაგან მხარესა მას კახეთისასა, სიყრმითგან ქრისტესა შედგომილი სრულიად უნაკლულოდ აღასრულებდი ყოველთა სათნოებათა, და ლოცვითა და მარხვითა აღიწიე რად თავსა სრულებათასა, ჭაბუკმან, ვითარცა მკცოვანმან და ბრძენმან, შეიმოსე სახლ მონაზონებისა და ცრემლითა და მღვძარებითა დღითიდღე ილუწიდი სადიდებელად ღმრთისა: ალილუია.

იკოსი 2

იყავ რად მოშურნლ ღმრთისმსახურებისად, შეიმოსე სამღდელოდ სამოსელი სიმართლისა და მადლისად, და ნინოწმინდას იწყე მოლუაწებად უზეშთაეს ბუნებისა, აწ მოიხილე ჩუენ ზედა სიტკბოებით და გვკსენ რწმენისაგან არა ცხოველისა და ნელ-ტფილისა, ხოლო ერი ჩუენი დაიფარე წვალებისაგან და სჯულისაგან უცხოდა, რადთა არა მივიდრიკოთ უსჯულოებისადმი, და მართლითა სარწმუნოებითა აღმსობილნი ღირს-ვიქმნეთ შეწირვად გალობისა:

გიხაროდენ, ნერგო ღმრთივბრწყინვალეო, ძირთაგან კეთილმსახურთა მათ დიდებულთასა

აღმოცენებულო;

გიხაროდენ, ხეო ფრიად შუენიერო, ნაყოფად

უკუდავებისად და ნერგად მოლუაწებისად
აღორძინებულო;
გიხაროდენ, ჯორცითა განკაფულო და სულითა
განშუენებულო;
გიხაროდენ, საღმრთოდესა მადლისა სიმდიდრითა
აღვსებულო;
გიხაროდენ, კიბეო სათნოებათაო, ქუეყანით ზეცად
აღწევნულო;
გიხაროდენ, მართლმადიდებლობითა მოზღუდვილო
და სამგვამოვნებასა შინა ერთღმრთეებისა
თაყუანისცემისა მასწავლელო;
გიხაროდენ, მოგვთა გრძნებისა და მცბიერებისა
დამარღვეველო;
გიხაროდენ, სიცბილისა მათისა ძლევიტა
მამხილებელო;
გიხაროდენ, უშჯულოებისა სიმყრალისა
განმწმედელო;
გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 3

ჟამსა მას წმიდათა მოკლებისასა არა უგულებელს-ყო
ქრისტემან ერი ჩუენი, მეოხებითა დედისა
თუსისადთა, და წარმოგზავნა ასურეთით იოანე
ზედაზნელი ათორმეტთა მათ მოწაფეთა თანა

საწურთელად და გულისცმის-საყოფელად ნათესავისა ჩუენისა, ხოლო შენ გესმა რად, მკნეო, თუ ვითარ ერთი ათცამეტთაგანი ნეტარი დავით ილუწიდა ლუკიანეს თანა, აღიძარ ხილვად მწყემსისა მის კეთილისა, და სიხარულითა მადლობდი ღმერთსა და ადიდებდი განგებულებასა მისსა: ალილუია.

იკოსი 3

გულსა თვსსა ტრფიალ იყავ დაყუდებითისა ცხორებისა, და უარ-ჰყავ რად სოფლისა ამისა ამაოებად, მამაო, წარემართე ხილვად ნეტარისა მის ბერისა, და მიემთხვიეთ რად ურთიერთსა, იუბნეთ მოძღურებად საღმრთოდ და ევედრებოდით ქრისტესა ღმერთსა, რადთა დაიფაროს დედისა თვსისა წილად ხუდომილი ქართველთა ერი ყოვლისაგან საფრჯისა, აწ გვითხოვეთ მისგან ვსნად ივერიისად ზედამოსვლათაგან მტერისა და შეურყეველად დაცვად ეკლესიისად ყოვლისაგან წუალებისა, რადთა განბრწყინდეს საქართველოდ სარწმუნოებითა, და ჩუენცა აღვიძრნეთ ქებად ღმრთივბრწყინვალისა ღუაწლისა თქუენისა:

გიხაროდენ, ყოვლად ქებულნო მამანო - დავით სუეტო მოსაგრეობისაო, და დოდო, ბრწყინვალედ განათლებულო მადლითაო;

გიხაროდენ, დიდებულნო ქადაგნო სიყუარულისანო;

გიხაროდენ, ურყეველნო ძეგლნო სიმჴნისანო;
გიხაროდენ, ერთითა სულითა მქცეველნო და
განმაქარვებელნო მტერთა ბოროტისა განზრახვისანო;
გიხაროდენ, სულიერ ქალაქად გარდამქცეველნო
უკაცრიელისა მის უდაბნოდსანო;
გიხაროდენ, მოძღუარნო უბიწოდსა სარწმუნოებისანო;
გიხაროდენ, ზღუდენო და სიმტკიცენო ეკლესიისანო;
გიხაროდენ, ბრწყინვალენო მნათობნო სოფლისანო;
გიხაროდენ, ზეციერნო წინამბრძოლნო და
ჯუარისმტვრთველნო ერისა ჩუენისანო;
გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 4

გიხილა რად ღირსმან საღმრთოთა მათ საქმეთა
მოსწრაფჴს, შეგიტკბო სიხარულითა და გიჩუენებდა
რად გაღმართ კლდესა, გრქუა: „მივედ, ძმაო დოდო,
სხუათა მათ ძმათა თანა და ქმენ სავანჴს და ეკლესიად
სახელსა ზედა ყოვლად წმიდისა
ღმრთისმშობელისასა“, აწა მჴურვალედ ლოცვად ჰყავთ
ჩუენტჴს წინაშე მისსა, მოგუმადლოს ჩუენ სული
მოწყალებისად, სიწმიდისა და სიმართლისად, რადთა
განვერნეთ ცოდვილსა ცხორებასა და არცალა
დავსცხრეთ ქებად და მადლობად ღმრთისა:
ალილუია.

იკოსი 4

ოდეს განხვედ რქასა მას, ღირსო, დადეგ იწროსა მას
ნაპრალსა კლდისასა, ერთისა ოდენ კაცისა
დამტევნელსა, და მარხვითა და სამარადისოდსა
ლოცვითა განკაფავდი რად სხეულსა, სურნელებად
ღუაწლისა შენისად, ვითარცა კეთილი საკუმეველი,
მარადის აღიწეოდა წინაშე ღმრთისა, მას ევედრე აწ,
ნეტარო, მოგუანიჭოს სიბრძნე კეთილისა და
ბოროტის განრჩევისად, რადთა ღირსებითა და
სიწმიდითა ვიდოდეთ გზასა მას წინაპართა ჩუენტასა
და მოგიძღუნიდეთ შესხმასა ამას და გალობასა:

გიხაროდენ, სულითა ძლიერო, დიდსა სიგლახაკესა
შინა თავს-მდებელო ღუაწლთა და შრომათაო;

გიხაროდენ, მმარხველო უფლისაო და დამკსნელო
ვნებათაო;

გიხაროდენ, ქუეყანისა ჩუენისა აღმავსებელო
ლოცვათა კეთილსურნელებითაო;

გიხაროდენ, მონაზონთა მთავარო და ჭურო
სათნოებათაო;

გიხაროდენ, ჭეშმარიტო მამაო შენდამი
მოლტოლკლთაო;

გიხაროდენ, მოწყალეო და მწყალობელო გლახაკთაო;

გიხაროდენ, შემწეო და შესავედრებელო
შეცდომილთაო;

გიხაროდენ, მყუდრო ნავთსაყუდელო ღელვა-
გუმულთაო;

გიხაროდენ, უცხოთა შემწყნარებელო და ნუგეშინის-
მცემელო მწირთაო;

გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 5

მსახურებდი რად ღმერთსა ადგილსა მას ფიცხელსა და
კლდოვანსა, არა შეძრწუნდი ეშმაკთა ზედა-მოსლვასა,
რომელთაცა ბრძოლად დიდი აღადგინეს შენ ზედა,
გარნა უკუნ-აქცივნე მანქანებანი მათნი სახელითა
იესუ ქრისტესითა და ძლიერებითა ჯუარისა
მისისათა, აწ ჩუენცა მეოხ გვეყავ წინაშე ღმრთისა,
მოგუცეს ძლევად ეშმაკთად და მანქანებათა მათთად
მოსავთა შენთა მართლმადიდებელთა, რადთა
ვიხარებდეთ სულითა, მამაო, და ვაქებდეთ
ძლიერებასა მისსა: ალილუია.

იკოსი 5

განითქუა რად ჰამბავი საკვრველებათა შენთა და
სათნობათა ბრწყინვალეობად, დაღაცა-თუ არს ადგილი
ეგე ყოვლად უნუგეშისცემოდ და სავსე
ქუეწარმავალთაგან, მოისწრაფდა სიმრავლეს ერისა,
დამტევებელი ამის სოფლისად, და გამოკუეთდეს რად

ქუაბთა და კლდეთა, იქმნებოდენ მონაზონ, და
ასწავებდი დამარხვად მცნებათა ღმრთისათა,
გვიმოხე აწ წინაშე მისა, ეკლესიაჲ ჩუენი დაიცვას და
მღდელნი ერითურთ განამტკიცოს შეურყეველად,
რადთა ყოველნი ერთობითა ვილუწიდეთ
სადიდებელად ღმრთისა და გნატრიდეთ ძალსაებრ
ჩუენისა:

გიხაროდენ, მეგობარო ღმრთისაო და სიმტკიცეო
მონაზონთა კრებულისაო;

გიხაროდენ, უდაბნოსა შინა აღმგზებელო
სიყუარულისა დაუშრეტელისა ცეცხლისაო;

გიხაროდენ, კანონო უბიწოდ ცხორებისაო;

გიხაროდენ, სარკეო სამღდელოდსა ღუაწლისაო;

გიხაროდენ, ღირსებითა მსახურო საღმრთოდსა
საკურთხეველისაო;

გიხაროდენ, უბრძოლველო ზღუდეო
კეთილმსახურებისაო;

გიხაროდენ, ცეცხლმთებარეო სვეტო ივერთა
ეკლესიისაო;

გიხაროდენ, საჩინოო მნათობო გარეჯისაო და მზეო
კახეთისაო;

გიხაროდენ, ჭეშმარიტო მამაო და მფარველო ერისა
ჩუენისაო;

გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 6

დაღათუ ნინო მოციქულთასწორმან განანათლა ქუეყანა ესე ქართველთად, მრავალი თემი მოუქცეველი დაუშთა და ვიეთნიმე იყვნეს რად წარმართობასა შინა, მიჰმართა დავითს მთავარმან რუსთავისმან, ბუბაქარ-ბარბაროზმან, ენება რად მოქცევად მართალსა სარწმუნოებასა ზედა, ხოლო მან ნათესავითურთ წარმოგზავნა შენდა, რამეთუ მღდელ იყავ შემწირველი მსხუერპლისად, და ასწავე რად ღმრთივშუენიერი სჯული ქრისტჳსი, სრულ-ყავ წმიდითა ნათლისღებითა, აწ ჩუენცა გუასხურე ცუარი მადლისა შენისად, რადთა გული ჩუენი არა გრილ იყოს სმენად საღმრთოთა სწავლათა და დიდებად და გალობად ღმრთისა: ალილუია.

იკოსი 6

დღითი-დღედ მდინარესებრ ლოცვასა აღავლენდი ცრემლითა, და იყავ რად მარადის მღჳძარჳ, ხედევდი თუალითა სულისადთა მაღალთა შინა დამკვდრებულსა ღმერთსა მხოლოსა, და ევედრებოდი მას მიტევებასა ცოდვათასა, გაძლიერებასა ძმათასა და ყოველთა ჭირთაგან ჳსნასა ქუეყანისა შენისასა, რამეთუ ერი ეგე ახალ ნერგ იყო და მოქენჳ სწავლათა სჯულიერთა, აწ ჩუენცა ნუ დაგვიტევებ შეუწევნელად და გვიმოხე ღმრთისა

მიმართ, მოგვანიჭოს მკურვალეობა სარწმუნოებისა და სიყუარული მოყუასისა, რადთა ეგზეზოდეს გული ჩუენი ცეცხლითა საღმრთოდსა მოშურნეობისადათა და აღმოვსთქუათ სამადლობელი ესე ქებისა:

გიხაროდენ, კაცთა შორის ანგელოზო, ერისა შენისა მწყსად და მოღუაწედ მოვლინებულო;

გიხაროდენ, მოღუაწებითა წინა-აღმდგომისა მის მბრძოლისა მტერისა მარცხვენელო;

გიხაროდენ, მრავლით ჟამითგან უშჯულოთაგან ზარგანხდილთა ქრისტეანეთა სულითა განმამცნობელო;

გიხაროდენ, პატიოსანთა სიტყუათა შენთა მადლითა ერისა სულიერისა ძილისა განმაფრთხობელო;

გიხაროდენ, კერპთ-მსახურებისა სიბნელისა განმდევენელო;

გიხაროდენ, უგუნურთა და უგულისცმოთა განმაბრძნობელო;

გიხაროდენ, შენდამი მოსწრაფეთა სულიერითა სიტკბოებითა გამომზრდელო;

გიხაროდენ, მოწაფეთა შენთა უფიცხლესითა მონაზვნებრივითა კანონითა გამომწვრთნელო და სათნოებათა შინა აღმამაღლებელო;

გიხაროდენ, უდაბნოსა შინა მოსაგრეთა ფრთოსანთაებრ განმამრავლებელო;

გიხაროდენ, წმიდაო ანგელოზთასწორო მამაო, ღირსო დოდო გარეჯელო!

კონდაკი 7

მადიდებელი თვისი საკვრველმოქმედად გადიდა ღმერთმან, მსგავსად მოციქულთა მისთა ჰყოფდი რაჲ ურიცხუთა ნიშთა და კურნებათა: ლოცვითა განაძლიერებდი უძლურთა და თუალთაცა აღუხელდი ბრმათა, სულთა არაწმიდათა განასხმიდი სახელისდებითა ქრისტჳს ღმრთისაჲთა, და ყრუთა და უტყუთა განკურნებდი ჯუარისა მისისა შებებითა, ეგრეთვე აწ ჩუენცა დაგვფარე სავნებელთაგან სულიერთა და ჯორციელთაჲსა, რაჲთა განახლებულითა სულითა და ურცხვნელითა პირითა ვაქებდეთ იესუს, განმაძლიერებელსა შენსა: ალილუია.

იკოსი 7

მსგავსად მზისა გაბრწყინდეს რაჲ ძალნი იგი სასწაულთანი, შენ მიერ აღსრულებულნი გარეჯსა, ფრიად განმრავლდა კრებული უდაბნოდსმოყურეთაჲ, და გამოკვეთეთ ტაძარი სადიდებელად ყოვლად წმიდისა ღმრთისმშობლისა, სადა იგი მრავალთა საუკუნეთა მოივლტოდენ მეფენი სამღდელოთა და ერთა თანა, ვითარცა ნავთსაყუდელისა მიმართ მყუდროჲსა, და მუნ დავანებულითა მით მადლითა ახოვან ქმნილნი გნატრიდენ შენ, წმიდაო, ვითარცა დიდსა მოღუაწესა ეკლესიისასა:

გიხაროდენ, სიმდაბლითა შემოსილო უმტკიცეს
ანდამატისაო;

გიხაროდენ, ცრემლთა მდინარითა ნაყოფიერ-
მყოფელო უდაბნოდსაო;

გიხაროდენ, შეურყეველო კლდეო კრძალულებისაო;

გიხაროდენ, საუნჯეო სიბრძნისაო, მასწავლელი
ღმრთისმეცნიერებისაო;

გიხაროდენ, მხედველო შინაგანისა მის დაფარულისა
ვნებისაო;

გიხაროდენ, განმჭურეტელი ყოველთა
გულისწადილისაო;

გიხაროდენ, ცოდვის-მოყუარეთა კაცთათჳს
მასწავლელი თავშეკავებისა სიტკბოებისაო;

გიხაროდენ, ხატო წინაპართა ჩუენთა
კეთილმსახურებისაო;

გიხაროდენ, დიდებაო და ძლიერებაო მამულისა
ჩუენისაო;

გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 8

წმიდითა გონებითა და უბრალოებითა ჳელთადთა
მარადის განკრძალულ იყავ რად მსახურებასა მას
მღდელობისასა, დიდითა შრომითა ჳუარცმული
იქმენ უცოდველ ყოვლითურთ, ვითარცა პირველ

ადამ სამოთხესა, და განამრავლე სავანენი, და აღავსე რად მამათა მიერ მოლუაწეთა, უდაბნოდ იგი მკეცთა სადგური და ეშმაკთა საყოფელი, ქმენ საყოფელ ბერთა, რომელთა თანა უპოვარებასა შინა სიმდაბლითა ილუწიდი, და განწმედილითა ბაგითა ადიდებდი ღმერთსა: ალილუია.

იკოსი 8

წარვლე რად ყოველნი სათნოებისა გზანი მრავალთა ლუაწლთა შინა განცდილმან, დაჰყავ ერგასი წელი წინამძღურობასა შინა, და მიიწიე რად ფრიადსა მას მკცოვანებასა, მაღლითა სულისათა წინადთვე გეუწყა განსვლად თვისი ჯორცთაგან, შემოიკრიბე მოწაფენი, და განამტკიცნე რად ლოცვითა, ეზიარე უხრწნელთა საიდუმლოთა ქრისტესთა და მიიცვალე საუკუნეთა მათ სავანეთა, სადაცა არს განსუენებად დამაშურალთა და მოლუაწეთად, და მოიპოვე რად პატივი მსგავსად შრომათა მათ შენთა და მკურვალედ მოლუაწებისა, მათთანა იხარებ წინაშე ღმრთისა, მას ევედრე აწ, ვნებათა ჩუენთა ღელვანი დააყუდოს და ნავთსაყუდელსა ცხორებისასა წარმგვიძელუს ქებით შემსხმელთა შენთა:

გიხაროდენ, სრულებაო მამათაო და კეთილო წინამძღუარო მეუდაბნოეთაო;
გიხაროდენ, სათნოებითა სრულსა საზომსა

მიწევნილო მოძღუარო ქართველთაო;
გიხაროდენ, საღმრთოო ტარიგო, დამწყსველო
პირმეტყველთა კრავთაო;
გიხაროდენ, საკვრველებითა გაბრწყინვებულო და
განმანათლებელო ქართველთაო;
გიხაროდენ, განუკუეთელო ზღუდეო მორწმუნეთაო;
გიხაროდენ, განმამრავლებელო სწავლათა სულთა
მარგებელთაო;
გიხაროდენ, მოხუცებულთა არგანო და კუერთხო
ახალ ნერგთაო;
გიხაროდენ, გარეჯისა დიდებაო და სიქადულო
ქრისტეანეთაო;
გიხაროდენ, კეთილო შუამდგომელო შორის ღმრთისა
და კაცთაო;
გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 9

ესმათ რად მიცუალებად შენი, მოვიდა კრებული
მოსაგრეთად და მრავალმოლუაწე გვამი შენი დაბურეს
რად შავითა დაფარნითა, სენაკსა შენსა დაფლეს
ყოვლითა წესითა სქემოსნობისადთა, ხოლო სამარხოსა
მას დაადეს ლოდი და დაუტევეს ჩასაყოფელი
კელისად, აღმოსაღებად მიწისა ევლოდიათ, რადთა
შემხებელთა მისთა მოიღონ კურთხევად და მადლი

შენ მიერ, და აქებდენ ღმერთსა სულითა და
ჭეშმარიტებითა: ალილუია.

იკოსი 9

შემდგომად სიკუდილისა შენისა „დოდორქა“
უწოდეს წმიდასა მას სავანესა შენსა და შეამკეს
დიდებულად, ხოლო სენაკი იგი, კლდისაგან
გამოკუთილი, შექმნეს რად ეკლესიად, ხატებად შენი
აღმოჰკვეთეს ქუასა მას საფლავისასა, და
ანგელოზთაგან ზეცად აღყვანებად შენი გამოსახეს
კედელსა ტაძრისასა, რადთა ყოველნი მომდევნონი
მათნი სდგენ მტკიცედ და შეურყეველად გზასა მას
ზედა ქრისტეს მცნებათასა და შენმიერთა
ძლიერებითა სულისადათა შეჭურვილნი გნატრიდენ
შენ, ვითარცა დიდსა მამასა და წინამძღუარსა:

გიხაროდენ, ბრძენო ქადაგო მოციქულთა და მამათა
სწავლებისაო;

გიხაროდენ, გოდოლო უბრძოლველო და ხატო
უზაკუელისა სიმართლისაო;

გიხაროდენ, ღუაწლითა შენითა კეთილად
სრულმყოფელო საღმრთოდსა სარბიელისაო;

გიხაროდენ, რჩეულო უფლისაო, უშფოთველად
მისთვის გარდამცემელო სულისა შენისაო;

გიხაროდენ, ძალაო და სიმტკიცეო
მართლმადიდებლობისაო;

გიხაროდენ, სიხარულო ივერთა ეკლესიისაო;
გიხაროდენ, მამაო და მჭურვალეო მფარველო
წმიდისა „დოდორქისაო“;
გიხაროდენ, დიდო ბერ-მოდღუარო ცათა მობაძავისა
გარეჯისაო;
გიხაროდენ, მიურულებელო მცველო მამულისა
შენისაო;
გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 10

წმიდაჲ სავანჴ შენი და ეკლესიაჲ მრავალგზის
მოაოხრეს რაჲ მკდომთა მათ უმჯულოთა, საფლავი
შენი იქმნა მიუდგომელ, და დაშრტა კანდელი წინაშე
მისსა, არამედ წმიდათა ნაწილთა შენთა მოძიებაჲ და
გარდასვენებაჲ მათი დავითისა უდაბნოსა გულსა შინა
შთაისახა ბერმან მიქაელ-გობრონ საბინინმან, უწყოდა
რაჲ სასწაულნი, შენ მიერ აღსრულებულნი უდაბნოსა
შინა, და საქმჴ ესე აუწყა რაჲ მამათა ლავრისათა,
ჯერისაებრ გნატრიდენ და აქებდენ
ყოვლისამკყრობელსა: ალილუია.

იკოსი 10

მიიწიეს რაჲ დოდორქას მიქაელ-გობრონ და დიაკონი
სფირიდონ სამთა ხუცეს-მონაზონთა თანა

ღაერისათა, აღასრულეს პარაკლისი და გევედრებოდენ რაჲ შეწევნასა, გულსმოდგინედ ძიებითა პოეს ტაძარი შენი, და აღხადეს რაჲ ლოდნი სამარხოსა, აღმოკდა სულნელებაჲ საკვრველი, რომელიცა სდიოდა ყოვლად პატიოსანთა ნაწილთა შენთა, და შეძრწუნებულნი ცრემლითა გნატრიდენ შენ, ღირსო, და დიდებასა მისცემდენ ღმერთსა, აწ მეოხებად მიგავლენთ მისა მიმართ, განგვიმრავლოს მოძღუარნი და მასწავლელნი სჯულისა, რადთა ჳმამალლად მქადაგებელ იქმნენ ჳემმარიტისა სარწმუნოებისა და გაქებდენ მობაძავნი სიტყვსა და საქმისა შენისა:

გიხაროდენ, ღმრთისმსახურებისა ღუაწლისა კეთილად მომმუშაკებელო;

გიხაროდენ, სამწყსოჲსა შენისა ჳემმარიტისა ღმრთისა მიმართ მიმყუანებელო;

გიხაროდენ, ქრისტჳს მიერ ძლევისა გვრგვნისა მომღებელო;

გიხაროდენ, ძალითა ღმრთისაჲთა მრავალთა სასწაულთა სრულ მყოფელო;

გიხაროდენ, მრავალთა მამათა მამად და წინამძღურად წოდებულო;

გიხაროდენ, ღირსად ცხორებულო და სიმართლით მოხუცებულო;

გიხაროდენ, მიწიერისა სავანითგან ზეციერსა სავანესა

შინა აღტაცებულო;
გიხაროდენ, თანა-მოდასეო ზეცისა მკედრობათაო,
წინაშე წმიდისა სამებისა ურცხვენელო წინა-
მდგომელო;
გიხაროდენ, ნავთსაყუდელსა მას საუკუნოდსა
ცხორებისასა მშჯდობით შემყვანებელო;
გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 11

განჯსნეს რაჲ სამარხოჲ შენი, ვითარცა საუნჯჳ
მადლისაჲ, გიხილეს კაცი ზეცისაჲ და ანგელოზი
ქუეყანისაჲ, შეხვეული ძაძითა, და არცალა
დასცხრებოდენ დიდებად ღმრთისა და ქებად
ღუაწლისა შენისა, ხოლო აღმოიყუანეს რაჲ
პატიოსანნი ნაწილნი შენნი, ნეტარო, ვითარცა
ალაზასტრი საღმრთოჲ უხუად აღმოაცენებდა კეთილ-
სულნელთა, და წააბრძანეს რაჲ დავითისა უდაბნოსა
გალობითა და კმევითა, წინა მიეგებნეს მამანიცა
ზარის რეკითა, და, დაასვენეს რაჲ ტაძარსა, აქებდენ
ღმერთსა, მოქმედსა საკვრველებათასა: ალილუია.

იკოსი 11

გარდავლეს რაჲ ღამჳ იგი ლოცვითა, აღასრულეს
საღმრთოჲ წირვაჲ მამათა, და ეწადათ დამარხვაჲ შენი

მახლობლად თანა-მოღუაწისა შენისა, რამეთუ მოძღუარცა იყავ შენ, ნეტარო, დავითისა წმიდისა, გარნა გამოჩნდენ ფიცხლად წინააღმდგომნი საქმისა ამის კეთილისა, და პატიოსანნი ნაწილნი შენნი დაფლეს გალავანსა შინა ლავრისასა, ხოლო შემდგომად აღმოიყვანეს რად ნებისაებრ ღმრთისა, დაკრძალეს ტაძარსა შინა, რომლისა მიერ განამდიდრეს სავანე იგი მრჩობლითა მადლითა, და ყოველნი აღგძრნეს შეთხზუად ქებისა გზგზნისა:

გიხაროდენ, მწყემსნო სიტყვერთა ცხოვართანო, საღმრთოდთა სიტყვთა და საქმითა დამწყსველნო; გიხაროდენ, გულსა წარმართთასა ქრისტეს სიყუარულისა შთამსახველნო;

გიხაროდენ, წინამძღვარნო ჩუენო ღმრთივკურთხეულნო, სიწმინდისა და სიმდაბლისა მასწავლელნო;

გიხაროდენ, ახოვნებითა სულისადათა სულმოკლეთა და დაჯსნილთათჳს მაგალითისა მიმცემელნო;

გიხაროდენ, სულთა კაცთასა ქრისტეს თანა მოძღუაწებელნო;

გიხაროდენ, მოღუაწეთა შუამდგომელნო და განმამტკიცებელნო;

გიხაროდენ, სენაკთა შინა აღვლენილთა ლოცვათა მსწრაფლ-შემსმენელნო;

გიხაროდენ, მოსავთათჳს ზეციერისა გზგზნისა

გამომთხოველნო;

გიხაროდენ, სურვილით მედღესასწაულეთა თქუნთა განმამხიარულებელნო;

გიხაროდენ, წმიდაო ანგელოზთასწორო მამაო, ღირსო დოდო გარეჯელო!

კონდაკი 12

სიხარულითა გაქებთ შენ, მწყემსო ჭეშმარიტო ქრისტეს სამწყსოთაო, და მოვისწრაფით ნაწილთა შენთა საყოფელსა, რადთა სიწმიდენი ეგე მკურვალედ შევიტკბოთ და მადლსა და დიდებასა მივსცემდეთ ღმერთსა, აწ გვექმენ წინამძღუარ ცხორებისა და მეოხად ქრისტეს მიმართ, რადთა სიწმიდეს და შემუსრვილებაჲ მოჰმადლოს გულთა ჩუნთა, და მარადის ვადიდებდეთ წმიდასა სახელსა მისსა: ალილუია.

იკოსი 12

ვითარცა სანთელი ბრწყინვალეს ამაღლებული სასანთლესა ზედა ჰნათობდი რად ქუეყანასა შენსა, მადლმოსილითა ლოცვითა შენითა და სწავლითა საღმრთოჲსა მართლმორწმუნოებასა შინა დაამტკიცებდი ქარველთა ერსა, ხოლო შემდგომად სიკუდილისა შეირაცხე წმიდანად ივერთა ეკლესიისა, და გაქუს მადლი წინაშე ღმრთისა, კუალად

შეგვჭურვოს ჩუენ ძალითა თჳსითა უძლეველითა,
ხილულთა და უხილავთა მტერთა ზედა, რადთა
საწუთოდსა ცხორებისა გზაჲ კეთილად განვვლოთ და
გაქებდეთ სურვიელად:

გიხაროდენ, მოწესეო, ანგელოზთა მოზამავო, რომელი
სარწმუნოებასა შინა განამტკიცებდი ერსა
ქართველთასა;

გიხაროდენ, ყოვლად სანატრელო, ღირსო მღდელო-
მოდლუარო, რომელმან ღუაწლთა მოთმინებითა
სამწყსონი შენნი შესწირენ ღმრთისა მსხუერპლად
სულიერად;

გიხაროდენ, ბრძენო და სულიერო, რომელმანცა
წარდგომასა საყდართა უფლისათა, მიიტაცე
სასუფეველი, მის მიერ განმზადებული
მოყუარეთათჳს მისთა;

გიხაროდენ, მამაო მღჳძარეო და ღმრთის-მოყუარეო,
დაუკვრდა ყოველსა ბანაკსა ანგელოზთასა ღუაწლი
შენი, წმიდაო, რამეთუ იღუაწე ჳორციითა და ზეცას
განჳბრწყინდი სულითა;

გიხაროდენ, ივერთა ეკლესიისა შუენებაო, რამეთუ
საფლავი შენი მდიდრად აღმოაცენებს მადლთა
სურნელებასა და კურნებასა;

გიხაროდენ, ელიაჲსა და იოანეს მიმსგავსებულო
მეუდაბნოეო, რამეთუ მაუწყებელ-არს „დოდორქაჲ“
მოღუაწებისა შენისა და ჳმა მალლად ჳქადაგებს

შრომათა შენტა;

გიხაროდენ, უმცნესო მოღუაწეო, რამეთუ სამარხოდ
პატიოსანთა ძუალთა შენტად გუაქუს მორწმუნეთა
სიმდიდრედ სულიერად, საუნჯედ მადლისად და
ეშმაკთა მათებელად;

გიხაროდენ, რამეთუ იხარებს ეკლესიად ქართველთად
და ჰმადლობს ღმერთსა შენტუს, მამაო წმიდაო
დოდო;

გიხაროდენ, ზეციერო წინამბრძოლო ერისა ჩუენისაო,
რამეთუ ძალგიძს შეწევნად ყოველთად, რომელნი
ლოცვათა შენტა ესუენ და მეოხებასა შენსა
მოივლტიან;

გიხაროდენ, წმიდაო ანგელოზთასწორო მამაო, ღირსო
დოდო გარეჯელო!

კონდაკი 13

ჟ, ღმრთისა სათნომყოფელო და სასწაულთმოქმედო,
ღირსო მამაო ჩუენო დოდო გარეჯელო,
სარწმუნოებითა შევრდომილნი მტკიცესა მას შენსა
მეოხებასა და მამობრივსა მადლსა და შეწევნასა
შეგზწყალე და დაგვიცევ ცოდვათაგან ბოროტთა და
და უძღურებათაგან, და მრავალთა მათ საფრხეთაგან
ეშმაკისადთა, ხოლო ჟამსა მას შინა განსჯისასა ოდეს
წარვდგებით საყდართა მათ უკუდავთა, განგუარინენ
საშინელსა მას და შესამრწუნებელსა საშჯელსა, რადთა

შენ მიერ ძღუანებულნი უჭირველად მივემთხვივნეთ
ზეცისა სასუფეველსა და მარადის ვადიდებდეთ
ყოვლადწმიდასა სამებასა: ალილუია.

*ეს კონდაკი (3-გზის), შემდგომ 1 იკოსი და 1 კონდაკი
ავტორ-შემდგენელი თინათინ მჭედლოიშვილი*

